

آبونه شرائطی : هریر
ایچون سنه لکی (۲۷۵)
آلتی آیلنی (۱۵۰)
غروشدر .

نسخه سی ۵ غروشدر
سنه لکی ۵۲ نسخه در .
اداره خانه آنقرده حریت
اوتلی قارشوسنده کی
سوقاقده

اخطارات
آبونه بدلی پشیندر .
مسلمه موافق آثار مع المنویه
قبول اولنور . درج ایدلین
یازیلر اعاده اولنماز

الشیخ الاسلام

س ۶ ۱ ۳ ۳ ۰ ۱ ۶

والله یهدی من یشاء الی صراط مستقیم
باش محرر
محمد عاکف

صاحب و مدیر
اشرف ادیب

انبیون اهدکم سبیل الرشاد

عدد ۴۸۹

۱۸ ذی القعدة ۱۳۴۱

جمعه ایرتسی

۲۴ تموز ۱۳۳۷

جلد ۱۹

والعاقبة للمتقين

« وما النصر الا من عند الله العزيز الحكيم » نصرت آنحق عزیز
وحکیم اولان جناب اللهک فضل و کرمدن قوللره ، ملتله احسان
بیورولور .

معلومدرکه ملتله وارقلرینی محافظه وادامه ایچون لازمکن اسباب
مادییه توسل ایتک مجبوریتنده در . بونکه برابر استحصال ایدیلن
اسباب مادییه تأمین موجودیتیه ، نصرت و غلبه یه کافی کلدیکی ده پک چوق
کورولمشدر . شوخالده ادامه حیات آرزوسنده بولنان ملتله هم مادی
همده معنوی قوتلره مجهز اولملری لازمدر . قوه معنویه دن محروم
النده کی صولک سیستم سلاحیلرک ، معنویاتی محکم الی ضوایللره مغلوب
اولدیغنه تصادف اولنمور دکلددر .

بناء علیه حکمت اسلامیه نک وضع ایتدیکی لایموت دساتیر علمیه دن
بری ده (و اذا عزمت فتوکل علی الله) نظم جلیلک افاده ایتدیکی
معنای جلیلدرکه اسباب مادییه ایله اسباب معنویه یی توأم اوله رق الده
بولندیرمق ، تعیر آخرله عزم ایله توکلک ایکیسنی برطوتمق لازمدر .
بو خصوصده اسلامیت عالمه یالکیز بر یوکسک نظریه براتقله اکتفا
ایتمبور ، حضرت پیغمبر صلی الله علیه وسلمک کجیردیکی حیاتک بعض
صفحاتی ده جانلی بر مثال ، مقنع بردرس انتباه تشکیل ایدیور .

حنین وقعه سنده علیه الصلوة والسلام اقدیمز بر کتله مجاهدینله
بالذات غزایه تشریف بیوربیورلردی . بو بونک امثالی آیات جلیله نک

اسرارینه هنوز واقف اوله میان بعض اصحاب طرفندن « بو اوردو هیچ
بر وقت مغلوب اولمز . » یولنده کلاملر صرف ایدلمکه باشلادی .
ظاهراً اصحاب کزین بویه سویلمکده پک حتمی کی ایدیلر . چرنکه
اصحاب پک آزقوتلره کندیسندن عدد و سلاح اعتباریه پک فائق قوتلره قارشو
حرب ایتشلر و دفعاتله غلبه چالمشاردی . حنینده ایسه عسا کر اسلامیه
دشمندن عدد و سلاح اعتباریه پک فائق ایدیلر . اصحابک قوه معنویه سی
متزلزل اولمق تصور اولنه مزیدی . چونکه هر فرد حرب میداندنده شهید
اولمق کندیسنه اک بیوک شرف بیلوردی . بوقسم اصحابده بر قباحث
وار ایسه اسباب غلبه یی تفوق عددیده کورملری ایدی . ایشته بویه
حیاتی دقیقه لرده مؤمنلرک اسباب مادییه یی اجضاری متعاقب مظفریتی
آنحق الاهدن بکلملری لازمدی . حکمت الهیه بونی اقتضا ایدیوردی .
بونک ایچون اسلامیه بر سرگذشت اولمق اوزره بو وقعه ده طرفین
حربه کیریشدکلری صیره ده ایلاک حله ده موفقیت طرفره یوز کوسترمه
باشلادیغنده بر تپه نک آردندن دشمنک چورمه حرکاتک محتمل
بولنسنه مبنی مذکور طاعنی محافظه یه مأمور اولان قوت موقعلرینی
ترک ایلدیلر . دشمنک اورادن مهم قوتیه یوکنمه سی اسلام عسکری
آره سنده بیوک بر قاریشقلنی ایجاب ایتدیردی . آز قالدی او معظم
اسلام اوردوسی مغلوب اولیوردی . عون باری ایله تکرار وضعیت
اصلاح ایدیلدی ؛ دشمن بو حربه ده مغلوب اولدی . (و یوم حنین

اذ اعجبتکم کثرتکم الخ) آیت جلیله سی اجماعی تمامیه ارشاد بیوردی .
اسباب مادیہ نیک احضارندن صکرہ نصرتی اللہدن بکلمہ مک ، اللہہ
متوکل اولہرق عزم یوللرینہ یوروک دستورنی تقویہ ایلدی .
شیمدی بڑا ناطرلی مسلمانلری لازم کلن اسباب مادیہ بی جاضرہ
لامقدہ قصورایتدک . حق وسعیمزک فوقدہ دینہ جک درجہدہ حقوقزک
مدافعہ ومحافظہ سی اسبابی حاضرلادق . بوملت پک آز بر زماندہ
بویوک بر اردو جیقاردی . اوردوسی صوک سینستم سلاحلرلہ تجہیز
ایلدی . اوندن صوک کہ متوکلا علی اللہ کفار اردولرینہ قارشی طورددق .
عون حقہ این اوکنده ایکی دفعہ دشمنی مغلوب و مقهور ایتدک .
فقط صلیب اوردوسی ، بالخاصہ بویوک اسلام دشمنی اولان انکترہ نیک
یاردیمیلہ تجہیز ایدیلدی ، اونک تشوہیلہ تکرار حرکتہ کادی . اوچنجی
دفعہ اولمق اوزرہ اسلام اردولرینہ صالیدردی . ایشته شیمدی اون کوندن
فضلہدر حربہ دوام ایدیورز . کرچہ دشمنہ بعض شہرلر ، قصہلر
ترک اولوندیسده عسکرلک ایجابی اردو ، شیمدی فن حرکت اقتضا
ایلدیکی ایلری ، کیردی مانورلر یامقلہ مشغولدر . مظفریت قطعینک
بزدہ قالہ جغنی ، ظالم وخونخوار دشمنک بویوک برہزیمتله دکر اوتہ
لرینہ آتیلہ جغنی کونلرک پک یاقین اولدیغنه قناعت تامہ ایلہ ایمان ایدرک
مجاہدہ مزده دوام ایدہ جکیز . آقیلان معصوم قانلرک ، ہتک ایدیلن
اسلام ناموسلرینک ، ییقلاں معابد ومقابرک ، سوندوروان خانمانلرک
بار مسئولیتی آلتندہ دشمنک محو ونابود اولدیغنی کورہ جکیز (وعذب
الذین کفرو وذلك جزاء الکافرین) بوماقت ، کافرلرک مستحق اولدقلری
جزای الیدر . دشمنلر بوجزایہ دوچار اولہ جقلردر . نصرت وظفر
عزم ایلہ توکلی دستور اتخا ایدن مؤمنلر کدر . مجاہدہ مزی سبیل اللہدر .
کلمہ اللہی اعلا ایچون ماللرمزی ، جانلرمزی فدا ایدیورز . منارلہ
جک اویلماق ، آیات الہیہ یرلردہ سورونمہ مک ایچون حرب ایدیورز .
نصرت الہیہ ہیچ شہہ یوق کہ بڑہ توجہ ایدہ جکدر (ان تنصروا اللہ
ینصركم) قرآن جلیلک دستورلری لایتغیردر . جناب حقک وعدلری
خلف قبول ایتز . (والعاقبة للمتقين) . (وما النصر الا من عند اللہ
الغیر الحکم) قرہ حصار صاحب مہمونی

خواجہ شکری

خطابہ

اک رجال امت ! ای اہل حل وعقد ملت ! سزہ عائد خطابہ می
براز دہا تطویل ایدہ جکم . سز بتون امت اسلامیہ نیک تدویر امورینہ
وکیل بولنیورسکیز . بوامتک یکانہ قانونی بتون دنیایہ ، موقہ دکل ،
ابدیاً بقانون سعادت اولاجق اولان قرآن کریدر . بوملت ادوار

اعتلا وترقیسندہ اوقانون قومیدن بشقہ قانون طانیامش ، آنجق اونک
فیض وتوفیق ایلہ منصور ومظفر اولمشدر . سزلر بوکون یالکیز آنا
طولینک دکل ، درتیوز کسور میلیون مسلمانک استنادکاهی سکیز .
بومسلمانلر سزہ نہ قانون افرنج ، نہدہ مدنیت جدیدہ ایلہ دکل ، یالکیز
قرآن ایلہ علاقہ داردر . اوقرآن کہ بشریتک بیکلرچہ سنلردہ صعود
ایدہ میہ جکی ، شمدیکی مدنیت مدعیلرینک تصور وتخیل بیلہ ایدہ مدیکی
مرتبہ اعلی العالیاتک بتون ضوابط وقواعدنی وضع ایتش ، اونک
دائرہ وسیعہ سندن بتون وحشتلر ، سفاعتلر مطرود بولنش اولان
کتاب جلیلدر . سز نہ وقت اودستور قومیدن باشقہ سی ، بالخاصہ غریبک
مدنیت غیر معقولہ سی ملککیزدن دفع ورفع ایدر ، بتون انوار تمدن
وتکملی اونوردن اقتباس ایدرسہ کز مطہن اولیکیز کہ فرداً فرداً
ہر مسلمان حکومتک برر عضوی ، برر مدافع غضنفری اولہرق
بولہ حق ، بتون دنیانک تہاجندن پروا ایتہ جکسکیز . چونکہ محارب
ویا مخالف اولانلر اللہ ورسولی ایلہ حرب ایتش حکمندہ اولہ حق
واونلرک خصمی اللہ ورسولی بولنہ جقدر .

نتہ گیم منع مسکرات قانونی کبی بر حکم شرعی بی ترویج ایتدیکیز .
بتون آناطولی خلقی ، بتون مسلمانلر سزہ بر مربوطیت صمیمیہ ایلہ
عطف نظر ایتدیلر . بونظرک فیض فتوحی دہ ظہور ایتدی . ان شاء
اللہ نور قرآنہ تقریبکیز دہا زیادہ لشفہ جک واو نسبتدہ ظفر قطعی
واستقلال تام ایلہ کامیاب اولہ جقسکیز . دنیادہدہ ، آخرتدہدہ ہر یکیز
برر منجی ملت عنوانی آلہ جقسکیز . امت اسلامیہ نیک شوصوک جدال
حیاسندہ نصرت الہیہ ہر حالہ کمالیلہ تجلی ایدہ جک . مسلمانلق کندیسہ
لایق دروہ اعلاہ صعود ایلہ جکدر . بڑہدہ او نصرت الہیہ بی جلب
ایدن اعمال صالحہ ، تدابیر مشروعہ توفیق اولنہ جقدر .

امین اولہم ، مقلب الملوب اللہ تعالی وتقدسدر . بڑ اللہ تعالینک
رضایی خلافتدہ اجانبہ نہ قدر تقلید ومماشات ایتسہک اونلرینہ بڑدن
راضی اولمازلر . کندولرینک ایتدیکی مظالم ووحشتلریینہ بڑہ اسناد
ایدلرلر .ینہ بزوحشی ، کندولری مدنی اولور . فقط بڑاللہک رضایی
دائرہ سندہ حرکت ایدرسہک جناب حق اونلرک قلبلرینہ بر خوف
وہیت ویرر . ہم بڑدن قورقارلر ، ہم دہ بڑہ مماشات ایدرلر . تاریخ
اسلامی تدقیق ایدر ایتسہک کورورزکہ ہب بویلہ اولمشدر . اونلرک
محبتلری دخی انجق بودائرہدہ جلب اولنہ بیلور . چونکہ مقلب القلوب
انجق اللہدر .

بزم حکومتیز نام بر اسلام حکومتی وافراد من تمام برر مسلمان
اولورسہ . کہ انشاء اللہ اولہ جقدر . خارجدہ کی مسلمانلر دخی بڑہ
عشق ایمانلہ منجذب اولہ حق واو انجذاب ایتسہ بڑی مادہ ، معناً ،
سیاسہ ، اقتصاداً مستفید ایدہ جکدر . اویلہ مستفید ایدہ جکدر کہ